


Heimatverein Hambühren e.V.



Dütt und Datt up Platt

Text: Dieter Schmidt

Bilder: Gaby Wehrhahn

Gistern weer de veieruntwindichste (24) von´n drütten Moond (März). Use plattdütsche Nömdach weer wedder ansecht und ett heern sik fofftein Frünne innefunn un wie heern een komodigen Nömdach in usen „INFO“-Hus. Ulla heer wedder Bodderkauken, Streußelkauken un´n poor Schnittchen uppen Disch stellt. Wie immer heer sik Ulla grote Meue mit de Plonung geben und ok düttmol heern sik eenige Frünne afmeld - ober nich alle. Ober mit de Tied kummt man in Rotiene, so dat nicht to veel inkoft ward - dat so neebenbie.

Waltraud heer in de lesten veier Wecken öören ningtichsten Geburtstag hat un dofor hat se een udegeeben. Wie hett dat Geburtstagsleid sungen un den hat Waltraud sik noch´n poor Leeder wünscht, de wie natürlich ok sungen het. Mit Unnerstützung von Alfred hat dat Singen ok wedder gaut goon. Non Kaffedrinken wurn von Ilse, Giesela, Helga un Dieter een poor Geschichten un Riemels vorleest. Twüschendörch wurd immer wedder sungen. Helga vatelle een poor Döntjes un heer de Lacher up ööre Siete.... un immer wedder keim dat in´n Sinn - un alle fügen wedder an tau lachen.

So güng de Nömdach hille tau enne, wie rüsten vor deen Nahusewech un süngen use Schlußleid. Datt nächste Dreepen is an´n achentwindichsten (28) von´n veerten Moond (April), Klocke fofftein (15 Uhr). Bett dorhenn makt gaut un blieft gesund!

*Blief fein in Gang
von August Theis*

*Blief fein in Gang! - So lang as 't geiht
Hol kreegel Seel un Lief.
De Minsch, - wenn he mol nix miehr deit -
Watt tüdderig un stief.*

*Drüm kiek man driest mol vör de Döör
Un goh vergnögt dörch Wind un Weer.
Sünst warrt di sachts de Tied to lang.
Blief fein in Gang!*

*Blief fein in Gang! Snack fründlich mol
mit junge Lüe ´n poor Wöör.
Sitt dor nich blots in ´n Lehnstoohl dol
Un quaark di sülms wat vör.*

*Bring man dien Haart so recht in Swung,
denn föhlst di lang noch risch und jung.
Vör ´n Öllerweern wees man nicht bang.*

Blief fein in Gang!